

明治二已補

明鑑易知錄

積玉圃

水堂明鑑易知錄卷之一

周之炯靜專

虞朱國標聖懷鈔

山陰吳乘權楚材同輯

周之燦星若

明紀

太祖高皇帝姓朱名元璋鳳陽人先世句容人建都金陵在位三十一年

編成申明太祖高皇帝洪武元年春正月吳王即皇

帝位定有天下之號曰明建元洪武追尊四代祖考

妣皆為帝后紀元順帝至正十二年閏三月明太祖

特31
797 742
大明

明治二已補

明鑑易知錄

積玉圃

本堂明鑑易知錄卷之一

周之炯靜專

虞朱國標聖懷鈔

山陰吳乘權楚材同輯

周之燦星若

明紀

太祖高皇帝姓朱名元璋鳳陽人先世句容人建都金陵在位三十一年

編成申明太祖高皇帝洪武元年春正月吳王即皇

帝位定有天下之號曰明建元洪武追尊四代祖考

妣皆為帝后紀元順帝至正十二年閏三月明太祖

特31
797 742
大有
庫

朱家巷

朱元璋起兵濠州。今江南鳳陽府。太祖之先故沛。今江南徐州沛縣。徙江東句容。今江南江寧府句容縣。為朱家巷。宋季大父再

徙淮。淮水在鳳陽府。家泗州。屬鳳陽府。父世珍。又徙鍾離。今鳳陽縣。

太平鄉

縣。太平鄉。母陳生四子。太祖其季也。太祖生於元天

赤光之祥

曆。文宗年號。戊辰之九月丁丑。其夕赤光燭天。里中人競

紅羅之祥

呼朱家火。及至無有。三日洗兒。父出汲。有紅羅浮至。

紅羅障

遂取衣。去之。故所居名紅羅障。少時常苦病。父欲度

為僧。歲甲申。泗大疫。父母兄及幼弟俱死。貧不能殮

藁葬之。仲與太祖昇。預舉也。對至山麓。鹿山。縋。梗也。

皇覺寺為僧

絕。仲還取縋。留太祖守之。忽雷雨大作。太祖避村寺中。比曉往視。土墳。上聲。拆裂也。起成高壘。地故屬鄉人劉

繼祖。繼祖異之。歸焉。尋仲又死。太祖年十七。九月入

皇覺寺為僧。逾月僧乏食。太祖乃遊江淮。時溪。嘔。三

載。仍還皇覺寺。時汝。今河南汝寧府。穎。今江南鳳陽府。兵起。劉。福

均。李。徐。壽。輝。趙。駭。動。濠州定遠。今鳳陽府。人郭子興

據濠州。元將徹里不花。憚不敢進。日掠良民。邀賞。太

祖詣伽藍。卜。問避亂。不吉。即守故。又不吉。因祝曰。豈

伽藍卜吉

太祖附郭子興

欲予倡義邪。大吉。意遂決。以閏三月朔入濠州。見子

興子興奇其狀貌與語大悅之。取為親兵。凡有攻伐命之往。輒勝。子興故撫宿州屬鳳陽府。馬公女為已女。遂

妻去聲焉。即高后也。九月。元丞相脫脫破徐州屬江南。

與趙均用彭芝麻李即李二號遁去。趙均用彭早住

帥餘黨奔濠。子興屈已下彭趙。遂為所制。彭趙據濠

稱王。太祖雖在甥館塔館也。每有大志。十三年春。乃歸

鄉里募兵得七百人。濠人徐達湯和等皆往歸焉。十

四年秋七月。徇行定定遠下滁除陽今江南。時彭趙

御下無道。太祖乃以七百人屬祝他將。而獨與徐達

太祖歸鄉里募兵

太祖與二十四人略定遠

湯和吳良吳禎花雲陳德顧時費聚耿再成耿炳文

唐勝宗陸仲亨華雲龍鄭遇春郭興郭英胡海張龍

陳桓謝成李新材張赫周銓周德興等二十四人。南

略行取定遠。定遠張家堡有民兵號驢牌寨者。太祖

誘執其帥。於是營兵焚舊壘。悉降得壯士三千人。又

招降秦把頭得八百餘人。定遠繆大亨以義兵二萬

屯橫澗山。太祖命花雲夜襲破之。亨舉眾降。軍聲大

振。定遠人馮國用與弟國勝率眾歸附。太祖奇之。因

問大計。國用對曰。金陵今江南。龍蟠虎踞。帝王之都。

馮國用請
先拔金陵
定鼎

願先拔金陵定鼎。左傳宣公三年成然後命將四出。
救生靈於水火。倡仁義於遠邇。勿貪子女玉帛。天下
不難定也。太祖大悅。俾兄弟皆居帷幄。預機密焉。定
遠人李善長來謁。留幕。莫。古者出征。以幕帳為府署。故稱幕。下掌書
記。畫饋餉。甚見親信。秋七月。太祖將兵進攻滁陽。克
之。因駐師焉。朱文正李文忠來歸。文正太祖孟兄南
昌王子。先同其母避亂。與太祖相失。李文忠太祖姊
曹國長公主子。公主卒。其父攜文忠走亂軍中。幾不
能存。至是聞太祖駐兵滁陽。皆來歸。太祖喜甚。文忠

年十二。與沐英皆賜姓朱。英定遠人。父母俱亡。太祖
見而憐之。令高后育之。為子。何世隆來降。未逾月。彭
早住趙均用挾子興往泗州。既而早住中流。死。均
用益自尊。銜憾也。子興欲殺之。太祖賂其左右。子興
乃得帥所部歸滁。稱滁陽王。時太祖部兵數萬人。悉
歸之。奉其號命。太祖威名日著。子興二子陰置毒酒
中。欲害之。謀泄。及期。太祖即與俱往。中途遽躍馬起。
仰天若有所見。因罵二子曰。吾何負爾。適空中神人
謂爾欲以酒毒我。二子駭汗浹背。自此不敢萌害意。

子興
子興

虹絳縣屬鳳陽府胡大海來歸太祖一見語合用為前鋒

十五年春正月滁師乏糧諸將謀所向太祖曰困守

孤城誠非計今惟和陽今江南和州可圖子興使張天祐

等將兵前行與元兵遇急擊敗之追至小西門湯和

奪其橋而登將士從之遂據和陽子興屬祝太祖總

和陽兵入撫定城中諸將破和陽暴橫多殺掠城中

夫婦不相保太祖惻然召諸將謂曰諸軍自滁來多

掠人妻女軍中無紀律何以安眾凡所得婦女悉還

之於是皆相攜而去人民大悅三月郭子興卒太祖

撫定和陽

歸常遇春來

并統其軍虹縣人鄧愈來歸懷遠今鳳陽府懷遠縣人常遇

春剛毅多智勇膂力絕人年二十三為羣雄劉聚所

得遇春察其多鈔掠無遠圖棄之來歸未至假寐不脫

衣冠而寐日間夢神人呼之曰起起主君來適太祖

騎從至即乞歸附請為先鋒太祖駐和陽久謀渡江

無舟楫而巢湖在江南廬州府巢縣西水寨軍帥俞通海料

求安等率眾萬餘船千艘來降太祖大喜曰此天意

也吾事濟矣六月太祖帥諸將渡江乘風舉帆頃刻

達牛渚磯名在江南太平府城北太祖先抵采石磯

常遇春挺戈躍采石

陶馮所見略同

在太平府城北采石山時元兵陣於磯上舟距岸三
 下去牛渚磯僅一里。丈許未能卒登常遇春飛舸歌至太祖麾之應聲
 挺戈躍而上守者披靡震懾諸軍從之遂拔采石乘
 勝徑攻太平拔之者儒李習陶安等率父老出迎安
 見太祖謂李習曰龍姿鳳質非常人也我輩今有主
 矣太祖召安謂曰吾欲取金陵如何安對曰金陵帝
 王之都龍蟠虎踞限以長江之險若據其形勝出兵
 以臨四方則何向不克此天所以資明公也太祖大
 悅禮安甚厚由是凡機密輒與議焉方山寨民兵元

不殺陳桡先

帥陳桡先與其將康茂才水陸分道寇太平城下太
 祖親督兵禦之命徐達等以奇兵出其後設伏擒桡
 先太祖釋不殺桡先詐曰生我何為太祖曰天下大
 亂豪傑並起勝則人附敗則附人爾既以豪傑自負
 豈不知生爾之故桡先曰然則欲吾軍降乎此易耳
 乃為書招其軍明日皆降八月諸軍進克溧栗水今江
寧府溧水縣將攻集慶路即江寧府桡先之為書也意其眾未
 必從陽為招詞陰實激之不意其眾遽降自悔失計
 及聞欲攻集慶私謂部曲大將軍營五部部校尉一人部有曲曲有軍候一人

縱陳堃先
還

曰。汝等攻集慶。毋力戰。俟我得脫。還當與元兵合。太祖聞其謀。名語之曰。人各有心。從元從我。不相強也。縱之還。諸軍進攻集慶。堃先遂與元福壽合。拒戰於秦淮。在江寧府上元縣。治東南。秦始皇鑿諸軍失利。堃先來追襲。經葛仙鄉。鄉民兵百戶盧德茂遣壯士五十人。衣青出迎。堃先不虞其圖。已。青衣兵自後攢槊。朔。殺之。堃先既死。其子兆先復集兵屯方山。在江寧府東南。十六年春三月。太祖率諸將取集慶路。攻破陳兆先營。釋兆先而用之。擇其降兵驍勇五百人。置麾下。五百人者多疑。

復用陳兆先

智安降兵

克金陵

懼不自安。太祖覺其意。是夕令人宿衛環上。而寢悉屏內。舊人於外。獨留馮國用一人侍臥榻傍。太祖解甲安寢。達旦疑懼者始安。進攻集慶。國用率五百人先登陷陣。敗元兵於蔣山。在江寧府東北。直抵城下。諸軍拔柵。拆競進。元南臺御史大夫福壽督兵力戰。死之。遂克集慶路。太祖入城。召官吏父老諭之曰。元失其政。所在紛擾。生民塗炭。吾率眾至此。為民除害耳。汝等各守舊業。無懷疑懼。於是城中軍民皆喜悅。更相慶慰。改集慶路為應天府。太祖嘉福壽之忠。以禮葬之。

禮葬福壽

張士誠康茂才來降。士誠泰州屬江南揚州府白駒場亭民。

及其弟士德士信舉兵陷泰州。據高郵由今揚州府高郵州。

稱誠王。時據平江今江南蘇州府來降。茂才蘄州屬湖廣黃州府人。

初結義旅。為元捍寇江上。有功。累遷宣慰使都元帥。

戍怒采石。及太祖兵渡江。茂才奔金陵。至是率眾來

附。金陵既定。太祖欲發兵取鎮江今江南鎮江府。慮諸將不

戢。士卒為民患。命徐達為大將。率諸將浮江東下。戒

之曰。吾自起兵。未嘗妄殺。今爾等當體吾心。戒戢士

卒。城下之日。毋焚掠殺戮。有犯令者。處以軍法。縱者

康茂才來

克鎮江

克廣德

聘秦從龍

罰無赦。達等頓首受命。進兵攻鎮江。克之。達等自仁

和門入。號令嚴肅。城中晏然。六月。命鄧愈等將兵攻

廣德路今江南廣德州。克之。改為廣興府。秋。七月。諸將奉太

祖為吳國公。遣使聘鎮江秦從龍字元之。洛陽人。初仕元。避亂居鎮江。

既至。太祖親迎之入。事無大小皆與謀。從龍盡言無

隱。每以筆書漆簡。問答甚密。左右無知之者。太祖呼

為先生而不名。九月。太祖如鎮江府。謁孔子廟。分遣

儒士告諭鄉邑。勸農桑。十七年。夏。四月。命徐達常遇

春帥師攻寧國今江南寧國府。久不下。太祖乃親往督師。守

取寧國諸

月益少

明太祖

將楊仲英開門降。其百戶張文貴殺其妻子自刎死。

尋遣諸將取江陰。今江南常州府江陰縣。徽州。今江南徽州府。池州。今江南

南池州府。皆下之。秋八月，張士誠降於元。九月，太祖取揚

以康茂才為營田使

州。十八年春二月，以康茂才為營田使。太祖諭之曰：

比因兵亂隄防低防房頽圯。瘠也。民廢耕耨，故設營田

使以脩築隄防。今軍務實殷，用度為急，理財之道莫

先於農事。故命爾此職。大抵設官為民，非以病民。若

所至紛擾無益於民，則非付任之意。冬十二月，太祖

取婺務州。今浙江金華府。命知府王宗顯開郡學，延儒士葉

取婺州開郡學

儀宋濂為五經師。時喪亂之餘，學校久廢。至是始聞

絃誦之聲。太祖欲遂取浙東未下諸郡，諭諸將曰：克

城雖以武而安民必以仁。吾每聞諸將下一城，得一

郡，不妄殺人，輒喜不自勝。為將者能以不殺為心，

非惟國家所利，在已亦蒙其福。十九年春二月，方國

珍以三郡來附。國珍，台州人。今浙江台州府。戊子冬，起兵。後

降於元。至是以溫今浙江台州府。台慶元今浙江寧波府。三郡來獻。

且以次子關為質。太祖曰：既誠信來歸，便當推誠

相與。何以質為？乃厚賜關而遣之。秋九月，太祖兵取

方國珍來附

取處州

處州今浙江府冬十月遣使徵名也青田今處州府青田縣劉基

龍泉今處州府龍泉縣章溢麗水今處州府麗水縣葉琛丑森反及浦

江今金華府江浦縣宋濂以胡大海薦也時朱文忠守金華

亦薦王禕許元王天錫太祖皆徵用之十二月天完

將陳友諒稱漢王友諒沔陽今湖廣安陸府沔陽州漁人子

嘗為縣吏不樂會徐壽輝兵起慨然往從之壽輝稱

帝於蘄水今湖廣黃州府蘄水縣國號天完後據漢陽今湖廣漢陽府

至是友諒徙壽輝都江州今江西九江府自稱王二十年春

三月劉基宋濂章溢葉琛至建康入見太祖喜甚曰

陳友諒稱漢王

我為天下屈四先生

我為天下屈四先生賜坐從容與論經史及咨以時

事甚見尊禮命有司創禮賢館處之基自幼聰明絕

人凡天文兵法性理諸書過目洞識其要至正初以

春秋舉進士授高安今江西瑞州府高安縣縣丞累官江浙儒

學副提舉元政亂投劾去投上按罪日劾也嘗建議

勦方國珍不用安置紹興今浙江紹興府遊西湖在浙江杭州府城西

有異雲起西北諸同遊者皆以為慶雲將分韻賦詩

基獨縱飲不顧大言曰此天子氣也十年後應在金

陵我當輔之時杭州猶全盛皆大駭以為狂無知基

此天子氣

趙天澤識
劉基

者惟西蜀趙天澤奇之。以為諸葛孔明之流。至是基

趨建康。即金陵陳時務十八策。太祖嘉納之。留基帷幄。

預機密謀議。夏五月。陳友諒攻太平。今江南京南城陷。守

將花雲被獲。賊縛雲急。雲怒罵曰。賊奴。爾縛吾。吾主

必滅爾。遂奮躍大呼起。縛盡絕。奪守者刀。連殺五六

人。賊怒。縛雲叢射之。比死。罵賊不絕口。方雲之與

賊戰也。勢甚急。妻郤告氏生子焯。方三歲。抱之泣。語

去家人曰。城且破。吾夫必死之。吾夫死。吾不獨生。然

不可使花氏無後。兒在。若等善撫育之。已聞雲就縛

花雲死節

花雲妻郤氏

花雲侍兒
孫氏

郤氏即赴水死。侍兒孫氏收郤瘞。意也之。抱兒逃。漢

軍掠之。軍中惡小兒啼。孫氏恐被害。以簪珥屬祝

漁家鞠。養也之。漢敗。孫氏脫身至漁家。竊兒去。夜宿陶

穴中。天曙。樹也登舟渡江。遇漢潰軍。奪舟。梓卒頭

也。孫氏及兒投之江。江中得斷木。附之。入蘆渚中。渚

有蓮實。孫氏取啗。兒凡七日不死。忽夜半聞人語

呼之。逢老父號雷老。告之。遂與偕行。達太祖所。孫

氏抱兒拜泣。太祖亦泣。置兒於膝。曰。此將種也。命賜

雷老衣。忽不見。陳友諒弒其主徐壽輝。遂自稱帝國

江中斷木

蘆渚蓮實

雷老

太祖平漢

號漢二十一年秋八月太祖帥師伐漢拔江州友諒擊妻子夜奔武昌今湖廣武昌府既而友諒偽相胡廷瑞見

江州已破遣使詣軍請降太祖遂至龍興今江西南昌府改

為洪都府二十三年秋七月陳友諒作大艦戰艦聲

攻洪都空國而來以兵圍城守將朱文正遣使赴建

康告急太祖親帥舟師二十萬進次湖口友諒聞之

鄱陽湖之戰

即解圍東出與太祖兵遇鄱陽湖即彭蠡也在江西九江府彭澤

縣東合江西江東諸水跨南昌饒州南康三府之地之康郎山友諒聯舟縱戰

望之如山太祖軍舟小怯於仰攻往往退縮郭興曰

彼舟如此大小不敵非火攻不可太祖然之明日東

北風起令諸將乘風縱火焚其水寨舟數百艘友諒

弟友仁友貴及其平章陳普略皆死明日復聯舟

大戰敵兵大敗友諒斂舟自守不敢戰相持者三日

友諒計窮冒死突出將奔還武昌太祖麾諸將邀擊

之友諒中流矢貫睛及顱盧頭骨而死其將張瑄逃乘

夜以小舟載友諒屍及其子理徑趨武昌復立理為

帝初鄱陽湖之戰太祖亦屢濱於危一日被圍莫解

韓成死節

指揮韓成請服太祖冠袍對賊衆投水中圍乃解又

陳友諒中流矢死

劉基急呼
難星過

周顛告太
平

一日太祖方與友諒鏖與平聲。盡戰。劉基忽躍起。
大呼曰難星過速更耕舟。太祖急更之。舊舟已為敵
砲碎矣。先是有周顛者。舉錯詭譎。人莫能識。每見太
祖必曰告太平。太祖厭之。一日命覆顛以糞。積糞成
至是征陳友諒。太祖問此行何如。顛應聲曰好。從行
至皖還上城。今江南安慶府懷寧縣。苦無風。問顛曰。只管行
只管有風無。顛不行。便無風。行不三十里。果大風。倏
忽達小孤。竟如其言。二十四年春正月。李善長徐達
等以太祖功德日隆。屢表勸進。勸勉進上。帝號也。不允。乃於

毀鏤金牀

張士誠稱
吳王

是月朔。即吳王位。陳理既還武昌。太祖復進兵圍之。
久不下。乃親往視師。遣其降將羅復仁入城。諭理使
降。理遂率其太尉張定邊等詣軍門降。凡府庫儲蓄
令理自取。城中飢困。命給粟賑之。於是湖廣江西悉
平。江西行省以陳友諒鏤漏金牀進。太祖觀之曰。此
與孟昶昶。蜀上。七寶溺。堯去聲。小便也。器何異。宋太祖滅後蜀。
溺器。命陳氏窮奢極侈。安得不亡。即命毀之。張士誠
自立為吳王。即平江。見上。治宮室。立官屬。士誠委政
於弟士信。士信荒淫。每事惟與王敬夫葉德新蔡彥

十七字謠

訪求古今書籍

夫三人謀。三人者皆諂佞。織邪惟事蒙蔽。太祖聞之曰。我無一事不經心。尚被人欺。張九四行終歲不出門理事。豈有不敗者乎。時有十七字謠曰。丞相做事業。專用王蔡葉。一朝西風起。乾干癘癘別二十六。年夏五月。太祖命有司訪求古今書籍。因謂侍臣詹同等曰。吾每取孔子之言觀之。如節用而愛人。使民以時。真治國之良規。孔子之言誠萬世之師也。太祖議討張士誠。李善長以為未可。徐達進曰。張氏驕橫暴殄奢侈。此天亡之時也。其所任驕將如李伯昇呂

珍之徒皆齷

握齷。錯。急迫。局陋貌。

不足數

上聲

王蔡葉三叅

軍。迂闊書生不知大計。臣奉主上威德。聲罪致討。三

吳

今江南蘇州府為東吳。鎮江府為中吳。浙江湖州府為西吳。

可計日而定。太祖

大喜曰。汝合吾意。事必濟矣。秋八月。命徐達為大將

軍。常遇春為副將軍。帥師二十萬伐張士誠。集諸將

佐諭之曰。卿等宜戒飭士卒。毋肆虜掠。毋妄殺戮。毋

發丘壟。毋毀廬舍。聞士誠母葬姑蘇

山名。在蘇州府城西。城外

慎勿侵毀其墓。諸將皆再拜受命。出。太祖復召達遇

春曰。爾等此行用師孰先。遇春曰。逐梟者必覆福其

伐吳諭將佐

伐吳先攻

巢去鼠者必熏其穴。此行當直擣平江。平江既破，其餘諸郡可不勞而下。太祖曰：不然。士誠起鹽販，與張天驕、潘原明輩皆相為手足。士誠窮蹙，天驕輩懼俱斃，必併力救之。今不先分其勢而遽攻姑蘇，若天驕出湖州，原明出杭州，援兵四合，何以取勝？莫若先攻湖州，使其疲於奔命，羽翼既披，然後移兵姑蘇，取之必矣。冬十月，徐達師至湖州。士誠發兵來援，大敗之。而守將李伯昇及張天驕遂舉城降。朱文忠帥下杭州，守將潘原明籍土地錢穀出降。文忠入宿城上秋。

朱文忠軍法

立宗廟社稷

定文武科取士法

毫無犯。一卒強入民家，磔窄也。裂行示也。徐達既下湖州，會諸將進攻平江。士誠諸將多降。康茂才至尹山橋，遇士誠兵擊敗之。遂進兵圍其城。達遇春等四面築長圍困之。城中震恐。十一月，羣臣咸請太祖定宮闕制度。太祖以國之所重莫先宗廟社稷。遂定議以明年為吳元年，命有司立廟社，建宮室。二十七年春二月，太祖定文武科取士之法。夏六月，士誠被圍既久，欲突圍出。將奔常遇春營。遇春覺其至，嚴陣待之。遇春撫王弼背曰：軍中皆稱爾為猛將，能為我

王弼破吳軍

十條龍

取此乎。弼應聲馳鐵騎，揮雙刀往擊之。敵小却，遇春率眾乘之，遂大敗其軍，溺於沙盆之潭。士誠故有勇勝軍號十條龍，常銀鎧甲也，錦衣，出入陣中。是日皆溺死。士誠馬驚墮水，幾不救，肩輿入城，逾三日，士信方在城樓上督戰，忽飛砲碎其首而死。秋九月，達遇春率眾渡橋，進薄博逼也城下。士誠軍大潰，諸將蟻附登城，城破。士誠收餘兵二三萬，親率之，戰於萬壽寺東街，復敗。士誠倉皇歸，從者僅數騎。初，士誠見兵敗，謂其妻劉氏曰：我敗且死，若曹何為？劉氏曰：君勿憂。

張士誠妻劉氏死節

妾必不負君，乃予乳媪，襖金抱二幼子出，積薪齊雲樓下，驅其羣妾侍女登樓，命養子辰保縱火焚之。劉氏自縊，意死。日暮，士誠距戶，經舊將李伯昇決戶抱解之。徐達令人慰諭之，反覆數四，士誠瞑目不言，乃以舊盾閨上聲昇見上至舟中，送建康。士誠臥舟中，不食，至龍江，堅臥不肯起。昇至中書省，李善長問之，不語。已而士誠言不遜，善長怒罵之。士誠竟自縊死。改平江曰蘇州府。浙西吳會皆平。冬十月，太祖既掃除羣雄，乃遣大將軍徐達、副將軍常遇春率甲士二十

北定中原

五萬北伐以定中原。馳檄諭齊魯河洛燕薊計秦

晉之人。太祖定律令十一月頒戊申曆。太祖遣兵討

方國珍。初國珍懷詐反覆云俟克杭州即納土。及大

兵克杭州。猶自據如故。至是太祖命湯和等帥師討

國珍於慶元。見上國珍遁入海島。太祖復命廖永忠

帥師自海道會湯和等兵討之。國珍惶懼遂及其弟

國珉。兄子明善率家來降。和送國珍於京師。浙東悉

平。徐達常遇春引兵徇山東郡縣皆下之。○是年

也。正月李善長率羣臣奉表勸進。上曰恐德薄不足

平方國珍

以當尊善長曰天命已有歸矣若不正大位何以慰天下臣民之望上固却之明日善長復固請乃從之

谷霖答曰明太祖起兵濠梁十餘年開終膺天
物雖曰神運蓋亦有人事焉方其火光燭空紅
羅浮水雷兩成瑩伽藍上吉論者噴噴莫不謂
天之所授也然予能以厚德弘仁實則命世之
非夫羣雄草薊所能開奸而觀鯁者尤有異者
風雲之聚杖策來歸心膺爪牙篤生江介徐達
湯和起於同里朱文正李文忠與自戚屬李善
長馮國用近出定遠鄧愈胡大海即在虹縣常
遇春懷遠之雄廖永忠高祖從龍之多由豐沛
如某布地皆錯壤後高祖從龍之多由豐沛
佐命平屬南陽天生真人剛若類聚而扶掖之
者耶然而惟幄善謀汗馬著烈君臣之間相需
魚水然盡地脈使然哉

高祖從龍
豐沛
蕭王佐命
半南陽

馬台高識

編立妃馬氏為皇后。紀上初渡江時，后嘗謂上曰：今
豪傑並爭，雖未知天命所歸，以妾觀之，惟以不教人
為本人。心所歸，即天命所在。上深然之。至是册立為

皇后。上因謂侍臣曰：昔光武勞苦，馮異曰：倉卒莽蕪

無蒞，亭豆粥，呼沱駝河麥飯，厚意久不報。語在

建武六年。朕念皇后起布衣，常倉卒，自忍飢餓，懷糗

也。飯餌，餅也。稍食。朕比之豆粥麥飯，其困尤甚。昔

長孫皇后唐太宗當隱太子太宗兄構隙之際，內能盡

孝謹，承諸妃消釋嫌疑。朕素為郭氏所疑，徑情不恤。

尤難於長孫皇后

將士或以服用為獻，后輒先獻郭氏，慰悅其意。及欲

危朕，后乃為寬解，卒免於患。尤難於長孫皇后也。朕

或因服御詰怒小過，輒勸朕曰：王忘昔日之貧賤邪？

朕為惕然。家之良妻猶國之良相，豈忍忘之？罷朝因

以語后，后曰：妾聞夫婦相保，易君臣相保難。妾安敢

比長孫皇后，但願陛下以堯舜為法耳。編立世子標

為皇太子。以李善長為左丞相，章溢為御史中丞。

編命廷臣兼東宮官。紀禮部尚書陶凱請選人專任

東宮官屬。上曰：朕以廷臣有德望者兼東宮官，非無

良妻猶良相君臣相保難

命廷臣兼東宮官

謂也。常慮廷臣與東宮官屬有不相能不相善也遂成嫌

隙。江充之事。

漢江充構陷太子。事在武帝庚寅二年。

可為明鑒。朕今立

法。命臺省等官兼東宮官贊輔之。父子一體。君臣一

心。於是太子官屬

詹事諡德贊善。率更令等官。

以李善長章溢劉

基等兼之。編二月定郊社宗廟禮。編定衛所官軍及

將帥將兵之法。紀自京師及郡縣皆立衛所。大率以

五千六百人為一衛。一千一百二十人為一所。一百

一十二人為百戶所。每百戶所設總旗二名。小旗十

名。官領鈐

拊

束。通以指揮使等官領之。有事征伐則

定衛所將
兵法

平閩

詔總兵官佩將印領之。既旋則上所佩將印於朝。官

軍各回本衛。大將軍身還第。權皆出於朝廷。不敢有

專擅。自是征伐率以為常。編湯和等克福州。閩地悉

平。紀先是帝命湯和廖永忠等取閩。進兵延平。今福建

先遣使招諭元福州。今福建福州府平章陳友定不從。遂

進攻之。參政支殊海牙開門出降。執友定械送京師。

胡廷瑞等進兵克興化。今福建興化府元汀州路。今福建汀州府守

將陳國珍納款。於是郡縣相繼降附。福建悉平。編詔

以太牢祀孔子于國學。紀仍遣使詣曲阜致祭。編詔

以太牢祀孔子

衣冠悉如唐制 定役法

衣冠悉如唐制。編命中書議役法。紀上以立國之初，經營興作，悉役及平民，乃命中書省驗田出夫。於是省臣奏議田一頃百畝出丁夫一人，不及頃者以別田足之名，曰均工夫。遇有興作農隙用之。編命選國子監生侍太子讀書。編三月以廖永忠為征南將軍，朱亮祖副之，由海道取兩廣。編命翰林儒臣脩女誡。紀上謂學士朱升等曰：治天下者，脩身為本。正家為先，觀歷代宮闈政山內出，鮮有不為禍亂者也。卿等纂脩女誡及賢妃之事，可為法者，使後世子孫知所

命儒臣脩女誡

却獻

作圖示孫 禁宦官預政典兵

持守。編斬州進竹箒。命却之。紀論中書侍臣曰：古者方物之貢，惟服食器用，無玩好之飾。今斬州見上進竹箒，未有命而來獻，天下聞風，爭進奇巧，則勞民傷財，自此始矣。其勿受。仍令四方非朝廷所需，毋得妄獻。編夏四月，命圖古孝行及身所經歷艱難起家戰伐之事，以示子孫。禁宦官預政典兵。編六月，兩廣平。編秋七月，徐達常遇春帥諸將入通州。元主避兵北行。紀達與遇春會諸將於臨清今山東東昌府臨清州，遂入通州。屬直隸。元主大懼，集后妃太子議避兵北行。名

月監步和象

卷之十一 明太祖 二十一

克元都

羣臣會議端明殿元主徘徊歎息曰今日豈可復作
 徽欽遂決計北徙命淮王帖木兒不花監國丞相慶
 童留守是夜三鼓元主及后妃太子開建德門出居
 庸關名在順天府城北北走如上都編八月徐達常遇春克元
 都紀達等進師取元都至齊化門將士填壕壕下池也城
 登城而入達登齊化門樓執帖木兒不花慶童等戮
 之并獲諸王子六人及玉印成宗玉璽封府庫
 圖籍寶物及故宮殿門以兵守之宮人妃主令其宦
 守護視號令士卒毋得侵暴人民安堵言安然如堵不驚動也

徐達仁將

臣元死節之

王禕上書

元翰林待制黃殷仕投井死左丞丁敬可總管郭允
 中皆死之學士危素寓僧寺亦欲赴井一僧止之曰
 公死亡國史也遂往見徐達達尋以素歸帝雅聞素名仍命為
 學編命大將軍徐達副將軍常遇春往取山西編漳
 州今福建通判王禕上書紀禕上言人君脩德之要
 有二忠厚以為心寬大以為政昔者周家忠厚故垂
 八百年之基漢室寬大故開四百年之業蓋上天以
 生物為心春夏長養秋冬收藏其間雷電霜雪有時
 而薄博擊肅殺焉然皆暫而不常向使雷電霜雪無

置六部官

劉基致仕

放元官人
旁求隱逸

時不有。上。天。生。物。之。心。息。矣。臣。願。陛。下。之。法。天。道。也。
上。嘉。納。之。時。尚。嚴。厲。故。禱。以。為。言。**編**始置六部官。**紀**
先是中書省惟設四部掌錢穀禮儀刑名營造至是
乃定置吏戶禮兵刑工六部分理庶務。**編**詔以汴梁
今河南開封府為北京金陵為南京。**編**御史中丞劉基致仕。
紀先是上北巡命基同李善長留守京師中書都事
李彬犯法事覺彬素附善長善長請基緩其獄基不
聽馳奏上竟殺彬善長銜恨也。之上還善長想之會
基有喪告歸許之。**編**放元官人。**編**旁求隱逸之士。**紀**

乘輿服御
諸物勿飾

碎水晶刻

命學士詹同等十人分行上聲巡察也。上道求之。**編**詔乘

輿服御諸物毋飾金。**紀**有司奏造乘輿服御諸物應

用金者特命以銅為之。有司言費小不足惜上曰朕

富有四海豈吝於此。然所謂儉約者非身先之何以

率下。且奢侈之原木有不山小至大者也。**編**冬十月

碎元水晶刻漏。**紀**欽天監進元所置水晶刻漏備極

機巧中設一木偶人能按時自擊鉦鉦也鼓鉦也上覽之

謂侍臣曰廢萬幾之務用心於此所謂作無益害有

益也。命碎之。**編**詔御史大夫湯和平章楊璟並從西

建大本堂

征。編名劉基至京師。紀基至。贈其祖父爵永嘉郡。今江溫州府。公欲授基爵。辭曰。陛下乃天授。臣何敢貪天之功。顯榮先人足矣。編十一月。建大本堂。紀命取古今

圖籍充其中。延儒臣教授太子諸王。以起居注魏觀

侍太子說書。編以孔希學襲封衍聖公。孔希大為曲

阜知縣。紀皆世襲。立孔顏孟三氏教授司。尼山洙泗

二書院。命博士孔克仁等授諸子經。功臣子弟亦命

入學。編十二月。大將軍徐達帥諸軍取太原。今山西

編已酉。二年春。正月。詔免中原田租。詔免北平燕南

三氏教授
尼山洙泗
二書院
取太原

取大同

河南潼關。唐鄧光恩等處稅糧。編詔免江南田租。編副將軍常遇春

帥師取大同。今山西大同府。編二月。大將軍徐達師次河中。今山西平陽府蒲州。副將軍常遇春馮宗異渡河趨陝西。編詔

脩元史。紀上謂廷臣曰。近克元都。得元十三朝實錄

元雖亡。史所以勸懲。不可廢。乃詔左丞相李善長。前

起居注宋濂。漳州府通判王禕總裁。徵山林遺逸之

士汪克寬等十六人同纂脩。編親耕藉田。紀上躬

耕藉田。古者天子耕藉田于畝。以給宗廟。黍盛藉田

公五推。卿大夫九推。庶人受以終畝。於南郊。既又命皇后率內外命婦

親耕藉田

詔脩元史

教為文無事浮藻

蠶於北郊以為祭祀衣服。**編**三月。敕翰林為文無事。浮藻。**紀**上謂詹同日。古人為文。以明道德。通世務。典謨之言。皆明白易知。至如諸葛孔明出師表。亦何嘗雕刻為文。而誠意溢。出至今誦之。使人忠義感激。近世文士。立辭雖艱深。而意實淺近。即使過於相如。楊雄何裨。悲。實用。自今翰林為文。但取通道理。明世務者。無事浮藻。**編**大將軍徐達克河中。遂會諸將。進取陝西。**紀**大軍至西安。今陝西西安府營於長安。今西安府長安縣城北。元平章王武率官屬迎降。達遂遣馮宗異取鳳翔。

取陝西

取鳳翔

獻瑞麥

今陝西鳳翔府元將李思齊奔臨洮。今陝西臨洮府**編**夏四月。淮安寧國鎮江揚州台州各獻瑞麥。**紀**一莖。收也。五穗。遂穎。三穗者甚眾。羣臣賀。上曰。朕為生民上。惟思脩德致和。使三光平。寒暑時。為國家之瑞。不以物為瑞也。**編**大將軍徐達至鳳翔。遣馮宗異進攻臨洮。李思齊舉城降。**編**五月。大將軍徐達師至蕭關。在陝西平涼府鎮原縣下平涼。指揮朱明克延安。今陝西延安府以明守之。**編**元將張良臣以慶陽降。今陝西慶陽府尋復叛。徐達師諸將以兵圍其城。**紀**六月。元也速復侵通

下平涼克延安

葡北悉平

州。見上上命常遇春以所部軍自鳳翔還禦之。復命

李文忠為偏將軍，副遇春自北平。今直隸往開平。宋

宗寶祐四年蒙古主蒙哥欲建城市，脩宮室為都會之所，忽必烈以劉秉忠薦，因命相客秉忠以桓州東

灤水北之龍岡為宮，詔道三河，經鹿兒嶺，敗元將江秉忠營之。命曰開平府。

文清於錦州。今盛京也。速復以兵迎戰，又敗之。也速

遁，遂帥兵進攻開平。元主先已北走，追奔數百里，俘

虜囚日俘，其宗王慶生等斬之。凡得將士萬人，車萬

輛，亮馬三萬匹，牛五萬頭，薊北悉平。遂收元都。今直隸

府為北平府。編秋七月，副將軍常遇春卒于軍。紀遇

北平府

克慶陽

春還次柳河川，得疾卒。上命偏將軍李文忠代領其

眾，尋詔文忠自北平會師攻慶陽。編八月，大將軍徐

達克慶陽。紀大軍列營慶陽城下，張良臣數刑出戰，

俱不利，糧餉乏絕，至糞人汁和泥，噉之。其平章姚暉

等開門納降，達勒兵自北門入。良臣投井中，引出斬

之。陝西悉平。達帥諸軍還京師。編建功臣廟。敕建功臣廟於

雞鳴山，在江寧府治東北。紀廟成，敘功以徐達為首次，常遇春、李

文忠、鄧愈、湯和、沐英、胡大海、馮國用、趙德勝、耿再成

、華高、丁德興、俞通海、張德勝、吳良、吳禎、曹良臣、康茂

陝西悉平

才吳復茅成孫興祖凡二十一人死者肖像祀之編命吏部

定內侍諸司官制紀上曰朕觀周禮闕寺未及百人

後世至踰數千卒為大患今雖未能復古亦當為防

微之計可斟酌其宜毋令過多又顧侍臣曰求善良

於中涓即中人宦官也清潔也主居中潔除之人百無一二用為耳目即

耳目蔽用為腹心即腹心病馭之之道但當使之畏

法不可使之有功有功則驕恣畏法則檢束編九月

詔以濠州見上為中都紀上問羣臣建都之地或言

關中今陝西天府之國或言洛陽今河南天地之中

中涓善良百無一二

以濠州為中都

詔天下郡縣皆立學

汴梁今河南亦宋舊京或言北平宮室完備上以平

定之初民未休息供給力役悉資江南建業即金陵

江天塹鐵去聲塹遠城水也足以立國臨濠即濠州前江後淮

以險可恃以水可漕詔以為中都編冬十月詔天下

郡縣皆立學紀府設教授一訓導四生員四十人州

設學正一訓導三生員三十人縣設教諭一訓導二

生員二十人學者專治一經以禮樂射御書數設科

分教務求實才頑不率者黜之

命徐達等往征沙漠

編庚戌三年春正月帝命徐達等往征沙漠紀元王

保保為西北邊患。上命右丞相信國公徐達為征北
 大將軍。浙西行省平章李文忠為左副將軍。都督馮
 勝為右副將軍。御史大夫鄧愈為左副將軍。湯和為
 右副將軍。往征沙漠。北方流沙曰漠。蒙古南界。上問諸將曰：元主
 遲去聲留塞外。王保保近以孤軍犯我蘭州。屬陝西臨洮府。其
 志欲僥倖尺寸之利。不滅不已。卿等出師當何先？諸
 將皆曰：保保之寇邊者。以元主之猶在也。若以師直
 取元主。則保保失勢。可不戰而降。上曰：王保保方以
 兵臨邊。今舍彼而取元主。是忘近而趨遠。失緩急之

出師當何先

一舉而兩得

感鶻巢卵翼之勞

履聲囊

宜非計之善。吾意欲分兵二道。一命大將軍自潼關

在陝西西安府華陰縣東出西安。擣定西。今陝西鞏昌府安定縣以取王保

保。一命左副將軍出居庸。見上入沙漠。以追元主。使

彼此自救。不暇應援。元主遠居沙漠。不意吾師之至。

如狐豚之遇猛虎。擒之必矣。事有一舉而兩得者。此

是也。諸將皆曰：善。遂受命而行。編二月。詔羣臣親老

者許歸養。紀上行後苑。見鶻巢卵翼之勞。喟然而歎。

因有是命。編夏四月。以危素為翰林侍讀學士。已謫

素居和州。紀素居弘文館。一日上御東閣。聞履聲囊

囊上問為誰對曰老臣危素上曰是爾邪朕將謂文天祥耳素惶懼頓首上曰素元朝老臣何不赴和州屬江看守余闕元至正十八年正月余闕為元守安南戰城陷闕引刀自刎墮清水塘城下闕以孤軍血中死妻妾子女甥亦皆赴井死廟去遂有是謫素踰年卒編大將軍徐達帥師出安定與王保保戰大敗之保保奔和林紀達出安定駐沈兒峪音口與王保保隔深溝而壘一日達整眾出戰大敗保保兵於川北亂塚閒擒元諸王國公及平章等官一千八百六十五人將校士卒八萬四千五百餘人獲馬萬五千

徐達大敗王保保

二百八十餘匹駱駝驢騾雜畜休去稱是保保僅與其妻子數人從古城北遁去至黃河得流木以渡遂出寧夏今陝西奔和林城名本唐回鶻毗伽可汗故城之周圍五里許編五月左副將軍李文忠克應昌獲元主孫買的里八剌等帝諡元主曰順帝紀文忠與左丞趙庸師出野狐嶺擒元平章祝真進敗元太尉蠻子等於白海之駱駝山遂次開平元平章上都罕等降文忠帥師趨應昌未至百餘里獲元騎問之知四月二十八日元主已殂文忠至應昌圍其城獲元主孫

李文忠克應昌

買的里八刺并后妃宮人諸王宋代玉璽金寶一十五宣和殿玉圖書一玉册一鎮國玉帶玉斧各一及駝馬牛羊無算惟太子愛猷識理達臘與數十騎遁去文忠帥精騎追之至北慶州不及而還捷聞百官稱賀上命禮部榜示凡經仕元者不與又以庚申元主不戰而奔克知天命諡曰順帝編詔設科取士定科舉法紀初場各經義一道四書義一道二場論一道詔誥表箋內科一道三場策一道中式者後十日以騎射書策律五事試之編詔行大射禮紀令太學

定科舉法

行大射禮

定服色

生及天下郡縣學生員皆習射編詔定服色紀禮部奏夏尚黑殷尚白周尚赤秦尚黑漢尚赤唐服飾尚黃旗幟尚赤國家取法周漢唐宋以為治尚赤為宜上從之編册封諸王紀詔曰諸子之封本待報賞功臣之後然尊卑之分所宜早定乃封棧爽為秦王桐為晉王棟為燕王楠為周王楨為楚王博為齊王梓為潭王杞為趙王檀為魯王姪孫守謙為靖江王皆授以册寶置相傳官屬編嚴宮闈之政者為令紀上以元末宮嬪女謁私通外臣或番僧入宮攝

册封諸王

嚴宮闈之政

持受戒而大臣命婦亦往來禁掖。掖宮旁舍淫瀆褻亂遂深戒前代之失著為典俾世守之。皇后止得治宮中嬪婦事宮門之外不得與焉。宮費奏自尚宮內使監覆之。始支部違者死。私書出外者罪如之。宮人疾言其狀徵藥。羣臣命婦節慶朔望朝見中宮無故不得入。人君無見外命婦禮。天子親王后妃宮嬪慎選良家子女進者勿受。**編**六月李文忠遣人送元買的里八刺等及其寶冊至京師。**紀**省臣楊憲等請以買的里八刺獻俘於廟。寶冊令百官具朝服進。上曰寶冊

李文忠送俘至京師

太祖不忍行獻俘禮

貯之庫不必進也。古者雖有獻俘之禮。武王伐殷曾用之乎。憲對曰。武王事殆不可知。唐太宗嘗行之。上曰。太宗是待王世充。隋末以王世充為太尉。世充尋自稱帝。弒隋主。後降唐。秦王世民秦王至長安。俘世充獻於太廟。若遇隋之子孫恐不行此禮。元人入主中國百年之內。生齒甚繁。家給人足。朕之祖先亦預享其太平。雖古有獻俘之禮。不忍加之。乃賜買的里八刺第宅於龍山。封為崇禮侯。**編**頒平定沙漠詔於天下。**紀**是日百官表賀。上諭之曰。當元之季。盜賊蜂起。天下已非元有矣。朕取天下於羣雄。非取天

大明集禮
書成

下於元氏。向使元君克畏天命，不自暇逸，其臣各盡
乃職，罔敢驕奢。天下豪傑，其得乘隙而起邪？**編秋**九
月。大明集禮書成，詔刊行之。其書以吉凶軍實嘉冠
樂為綱，所該之日吉禮十四，日祀天，日祀地，日宗廟，
日社稷，日朝日夕，月日先農，日太歲，風雷雲雨，師
日嶽鎮海瀆，天下山川城隍，日旗纛，日馬祖，先牧社
馬步，日祭厲，日祀典，神祇，日三皇，孔子嘉禮，五日朝
會，日冊拜，日禮冠，日婚，日鄉飲，酒禮，實禮，二日朝貢
日遣使，軍禮，三日親征，日遣將，日大射，凶禮，二日弔
賻，日喪儀，又冠服車輅儀仗，鹵簿，字學各一，樂二，日
鍾律，日雅樂，日俗樂，凡升降儀節制度，名數皆備具。
通五卷。**編冬**十一月，大將軍徐達、左副將軍李文忠等
振旅。振止旅衆也。言戰罷而止其衆，以還京師。**編大**

大封功臣

封功臣 李善長、韓國公徐達、魏國公常遇春、丁茂鄭、
國公李文忠、曹國公馮勝、宋國公鄧愈、衛國
公湯和、中山侯耿炳文、長興侯吳良、江陰侯廖永忠、
德慶侯傅友德、潁川侯趙庸、南雄侯楊璟、濟陽侯郭
興、鞏昌侯顧時、濟寧侯吳楨、靖海侯唐勝、宗延安侯
陸仲亨、吉安侯費聚、平涼侯周德興、江夏侯陳德臨、
江侯華雲龍、淮安侯胡廷瑞、豫章侯朱亮祖、永嘉侯
韓政、東平侯俞通源、南安侯康茂才、子鐸、蕪春侯王
志、六安侯鄭遇春、滎陽侯曹良臣、宣寧侯黃彬、宜春
侯梅思祖、汝南侯陸聚、河南侯黃德、侯汪廣洋、
忠勤伯劉基、誠意伯。

尺木堂明鑑易知錄卷一

尺木堂明鑑易知錄卷之二

周之炯靜專

上虞朱國標聖懷鈔 山陰吳乘權楚材同輯

周之燦星若

明紀

太祖高皇帝

湯和等伐夏

編辛亥四年春正月帝命湯和等帥師伐夏紀元至

正十七年隨州屬湖廣德安府人明玉珍起兵從徐壽輝上見

九卷陷川蜀治四川成都府壽輝令玉珍守之玉珍尋自據成

都遂稱帝。建國號曰夏。二十六年。主珍率子昇嗣。甫十歲。母彭氏同聽政。至是。昇將吳友仁寇興元。今陝西府中。上命湯和周德興廖永忠楊璟葉昇等率舟師由瞿塘趨重慶。今四川重慶府傅友德顧時何文輝等率步騎由秦隴趨成都。上諭和等曰。今天下大定。四海奠安。惟川蜀未平耳。朕以明玉珍嘗遣使脩好。去存事大之禮。憫明昇稚弱。不忍加兵。數湖遣使開諭。冀其覺悟。昇乃惑於羣議。及以兵犯吾興元。不可不討。今命卿等率水陸大軍分道並進。首尾攻之。諸將陞辭。上

策試進士於奉天殿

祀帝王三十五

復密諭傅友德曰。蜀人聞吾西伐。必悉其精銳。胃東守瞿塘。北阻金牛。鎮名在陝西漢中府寧羌州以拒我師。彼謂地險。吾兵難至。若出其意外。直擣階。今陝西鞏昌府階州文今鞏昌府縣門戶。既墮。灰腹心自潰。兵貴神速。但患卿等不勇耳。友德頓首受命。編三月。策試進士於奉天殿。紀始令進士釋褐。行釋菜禮。見禮記文王世子篇。立學之初。釋菜以告先聖先師。釋置也。菜編遺使祭歷代帝王陵寢。紀祀帝王三十。五。在河南者十。陳州祀伏羲。殷高宗。孟津祀漢光武。洛陽祀漢明帝。章帝。鄭州祀周世宗。鞏縣祀宋太祖。太宗。真宗。仁宗。在山西者一。榮河祀商湯。在山東者二。東平祀唐堯。曲阜祀少昊。在北平者三。內黃祀

宴享九奏
樂章

殷中宗滑縣祀。高辛在湖廣者二。鄆縣祀神農。寧遠祀虞舜。在浙江者二。會稽祀夏禹。宋孝宗在陝西者十五。中部祀黃帝。咸陽祀周文王。武王成王。康王。宣王。漢高帝文帝景帝興平祀。漢武帝長安祀。漢宣帝三原祀。唐高祖體泉祀。唐太宗。宗蒲城祀。唐憲宗涇陽祀。唐宣宗。**編**夏四月。命宋嘉侯朱亮祖為右副將軍。帥師伐蜀。**紀**上以湯和傅友德等伐蜀。三月。未得捷報。命亮祖帥師助之。**編**六月。吏部尚書詹同。禮部尚書陶凱。作宴享九奏樂章。日太初。日仰。大明。日民。初生。日品物亨。日御。六龍。日泰。階平。日君德成。日聖道成。日樂清寧。上以協律善之。悉屏。**編**廖永忠。湯和師至重慶。夏主明昇降。**紀**永忠帥師自夔州。今四川夔州府。乘勝抵重慶。沿江州縣望風。

廖永忠高
識

奔附。明昇與右丞劉仁等大懼。仁勸明昇奔成都。其母彭氏泣曰。事勢如此。縱往成都。不過延命旦夕。何益。不如早降。以免生靈於鋒鏑。明昇遂遣使詣永忠。軍全城納款。永忠以湯和軍未至。辭不受。後數日。湯和至重慶。會永忠以兵駐朝天門外。是日明昇面縛。銜璧。縛手於後。惟見其面。以璧為贊。手縛故。奉表詣軍門降。和受璧。永忠解縛。遣指揮萬德送明昇等。并降表於京師。朱亮祖兵亦至。**編**秋七月。傅友德兵圍成都。克之。蜀地悉平。**編**八月。明昇至京師。封為歸義。

蜀地悉平

以劉基書付史館

侯已而投昇。編以劉基所上書付史館。紀上手書問劉基曰：近西蜀平，疆宇恢廣，元以寬失天下，朕救之以猛，然小人但喜寬，遂恣誹謗。今天鳴八載，日中黑子疊見，卿宜條悉以聞。基上言：以為雪霜之後，必有陽春，今國威已立，宜少濟以寬。上以其書付史館。或有言殺運三十年未除者，基曰：若使我當國，掃除俗弊，一二年後，寬政可復也。編冬十二月，賞平蜀將士。紀傅友德、廖永忠各白金二百五十兩，彩緞二十表。楊璟、趙庸、朱亮祖不與，預賞上親製平西蜀文。紀傅

廖二將之功

三事未了

編壬子五年春正月，遣大將軍徐達等征沙漠。見上卷二

六。紀上謂諸將曰：今天下一家，尚有三事未了。一、歷

代傳國璽在元未獲。二、王保保未擒。三、元太子不聞

音問。今遣爾等分道征之。於是令徐達、馮勝、李文忠

等三路出師，共兵四十萬。後達等兵至沙漠，以糧運不繼而還。編冬十

二月，敕中書命有司考課。紀敕考課必有學校。農桑

之績，違者降罰。已而莒州。屬山東，日照今青州府。知

縣馬亮考滿，無課農興學之效，而長於督運，命黜之。

考課必有學校農桑之績

山西汾州府考平遙今汾州府平遙縣主簿成樂能恢辨

也商稅上曰恢辨是額外取民也主簿職在佐理縣

政撫安百姓豈以恢辨為能州之考非是命吏部移

文訊責編命仍祀孟子紀初國子監請釋奠禮文王世子凡

始立學者必釋奠於先聖先師謂但奠置所祭之物

而無尸及食飲酬酢等事以其主於行禮非報功也

命罷孟子祀至是上曰孟子闢邪說辨異端發明先

聖之道其復之帝讀孟子至草芥寇讎之說大不然

且命金吾躬之刑部尚書錢唐與觀入諫祖胸受箭

日臣得為孟軻死有餘榮帝見其誠懇命太醫療

其箭瘡孟軻死有餘榮帝見其誠懇命太醫療

配享得不廢編縱苑中禽獸紀內使奏增飼虎肉上

命仍祀孟

錢唐祖唐

置六科給事中

曰養牛以供耕作養馬以供騎乘養虎欲以何用而

費肉以飼之乎命以虎送光祿他禽獸悉縱之

編癸丑六年春正月置六科給事中掌參駁糾劾之事編徵

孔克表為翰林脩撰克表家浙江溫州府平陽縣元

十五代孫也編以舉人張唯王璉等為編脩紀唯璉等入

文華堂肄業以太子贊善宋濂正字桂彥良為之師

上聽政之暇輒幸堂中定其優劣賜白金弓矢鞍馬

寵遇甚隆一日上問彥良曰法數朝行而數犯奈何

對曰用德則逸用法則勞法以靖民則民勞而弗靖

江南太儒
惟卿一人

詔暫罷科
舉

德以靖民。則民靖於德矣。上曰：卿，帝者師也。江南大儒，惟卿一人。對曰：臣不敢當。宋濂、劉基、王山、濂、文人。基、峻隘，不如卿也。編：二月，詔暫罷科舉。令有司察舉賢才。紀：上諭中書省臣曰：朕設科舉，求天下賢才，以資任用。今所司多取文詞及試用之，不能措諸行事者，甚衆。朕以實心求賢，而天下以虛文應之，甚非所以稱朕意也。其暫罷天下科舉，有司察舉賢才，必以德行為本。文藝次之。編：夏四月，脩昭鑒祖訓錄成。紀：初，上命陶凱等采摭職拾也。漢唐以來藩王可為觀戒。

昭鑒祖訓
錄

奪劉基祿

者。書成，賜名昭鑒祖訓錄。上親為之敘，頒賜諸王。編：以左丞相胡惟庸為右丞相。編：奪誠意伯劉基祿。紀：先是，基言於帝曰：溫處見上卷九之間，有地名談洋，僻絕巖險，民多負販私鹽，萃逋逃之衆，宜設巡司蒞之。基又言：郡縣豪猾吏當治，使其子璉奏上二事，皆不先關白中書。時胡惟庸行丞相事，恨之，適有旨逮及也。所及則捕之。豪猾吏惟庸誅恤。也。吏誣基善相地，以談洋負山面海，有王氣，欲圖為祖墓。民弗與，則畫建司之策，以逐其家。遂為成案。奏上，請加重辟。關：帝不聽。惟

詔禁對偶
文辭

更定大明
律

奪基祿而已。基入朝謝。遂留京師。編秋九月。詔禁對
偶文辭。紀命翰林院儒臣擇唐宋名儒箋表可為法
者。羣臣以柳宗元代柳公綽謝表及韓愈賀雨表進。
令中書省頒為式。編冬十月。更定大明律。命刑部尚
書劉惟謙
及宋濂等
更定之也。編十一月。潞州今山西
路安府。進人參。紀上曰。朕
聞人參得之甚艱。豈不勞民。今後不必進。因謂省臣
曰。往年金華今浙江
金華府。進香米。朕命止之。遂於苑中種
之。每當耘除草
也。耔子也。壅壅
木也。割穫之時。親往觀之。足以
自適。而其所入亦足供用。朕飲酒不多。太原今山西
太原府。

不以口腹
累人

脩孔子廟

進葡萄酒。亦令勿進。國家以養民為務。豈以口腹累
人哉。

編甲寅七年春二月。詔脩治闕里孔子廟。紀設孔顏
孟三氏子孫教授。以訓其族人。編夏五月。禮部尚書

牛諒奏請致齋之日。宰犢為膳。不許。紀諒奏古禮凡

大祀齋之日。宰犢牛為膳。以助精神。上曰。致齋禮祭
義致

齋於內。散
齋於外。三日而供三犢。所費太侈。徒增傷物之心。

何益事神之道。諒曰。周禮所定也。上曰。周禮不行於
後世多矣。惟自奉者。乃欲法古。何哉。編冬十月。遣崇

遺買的里
八刺北還

禮侯買的里八刺北還。紀臨行上諭之曰。爾本元君子孫。國亡就俘。曩即欲遣歸。以爾年幼。道里遼遠。恐不能達。今既長成。朕不忍令爾久客於此。故特遣還。見爾父母。以全骨肉之愛。編十二月。陝州屬河南府人獻天書斬之。

編乙卯。八年夏四月。誠意伯劉基卒。紀初上欲相胡惟庸。基謂不可。既而上竟相之。基大感曰。其如蒼生何。因憂憤成疾。後疾愈增。惟庸乃遣醫視疾。飲去聲基藥二劑。有物積腹中如卷石。疾遂篤。至是上遣使送

伯溫字
房

還家。僅一月而卒。基剛毅慷慨。每遇急難。計畫立就。上甚禮重。常稱為老先生而不名。又曰伯溫。劉基字吾子房也。編甘露降。紀甘露降於園丘青松。上有若明珠。採嘗之。甘於飴。羣臣咸歌詩誦德。上曰。天道幽微難測。若恃祥不戒。祥未必吉。朕德不逮。惟圖脩省。豈敢以此為已所致哉。

五星紊度

編丙辰。九年春三月。詔免今年稅糧。編秋。閏九月。五星紊度。詔求直言。紀欽天監奏五星紊度。日月相刑。下詔求言。山西平遙見上訓導葉居昇上言曰。臣觀

葉居昇應
詔上言

當今之事太過者有三。曰分封太多也。用刑太繁也。求治太速也。臣觀歷代開國之君。未有不以尚德緩刑而結民心。亦未有不以專事刑罰而失民心。國祚長短。悉由於此。今議者曰。宋元中葉也。中世也。之後紀綱不振。專事姑息。苟安也。檀弓。曾子曰。君子之愛人。以也。以德。細人之愛人。也以姑息。以致亡滅。陛下所以痛懲其弊而矯枉之者也。姑以當今刑法言之。笞杖徒流死。今之五刑也。用此五刑。既無假貸。一出乎大公至正可也。而用刑之際。多出聖衷。致使治獄之吏。務求深刻。以趨承上意。深刻者多。

獲功。平允者多。獲罪。欲求治獄之平允。豈易得哉。近者特旨。雜犯死罪。免死充軍。其餘以次。做徒流律。又明定舊諸律條。減宥有差。此漸見寬宥全活者衆。而主上好生之仁。已藹然布乎宇內矣。然法司之治獄。猶循舊弊。雖有寬宥之名。而無寬宥之實。所謂實者在主上。不在臣下也。故必有罪疑。惟輕。虞書。罪疑惟輕。功疑惟重。之意。而後好生之德。洽於民心。必有王三宥。文王世子。公日。宥之。公又日。然後刑之。政而後有圜。度。圜語。空虛之宥之。及三宥。然後刑之。政而後有圜。度。圜語。空虛之效。唐太宗曰。鬻棺之家。欲歲之疫。非欲害於人。欲利。

於棺售故耳。今法司覈理一獄，必求深以成其考。今作何法，使得平允？古之爲士者，以登仕版爲榮，以罷職不敘爲辱。今之爲士者，以混迹無聞爲福，以受玷不錄爲幸。以屯田工役爲必獲之罪，以鞭笞捶楚爲尋常之辱。其始也，朝廷取天下之士，網羅招均，上撫職。拾務無遺，逸有司催迫上道，如捕重囚。比至京師，而除官多以貌選。故所學或非其所聞，而其所用或非其所學。洎及也，乎居官言動一跌，失於法，苟免誅戮，則必罹離屯田工役之科。所謂取之盡錙銖

八議

用之如泥沙，率是爲常。不少顧惜，然此亦豈人主樂爲之事哉？欲人之懼而不敢犯也，竊見數年以來，誅殺亦可謂不細矣。而犯者日月相踵，豈下人之不懼哉？良由激濁揚清之不明，善惡賢愚之無別，議能之法。禮小司寇以八辟麗邦法：一曰議親之辟，二曰議故之辟，三曰議賢之辟，四曰議能之辟，五曰議功之辟，六曰議貴之辟，七曰議勤之辟，八曰議直之辟。而爲善者息，若是非用刑之煩者乎？漢之世嘗徙大族於山陵矣，未聞實之以罪人也。今鳳陽皇陵所在，龍興之地，而率以罪人居之，以怨嗟愁苦之聲充斥。

月監書口集 卷之二 明太祖

園邑非所以恭承宗廟意也。賊人四大王元宗突竄山谷如狐如鼠無窟坤入可追。深山大壑捕之數年。既無其方乃歸咎於新附戶籍之細民而遷徙之。騷動四千里之地雞犬不得寧息。況新附之民日前兵難流於他所朝廷許之復業而來歸今乃就附籍者取其數而盡遷之是法不信於民也。夫有戶口而後田野闢田野闢而後賦稅增臣恐自茲之後北郡戶口不復得增矣。凡此皆臣所謂太過而足以名災異者也。臣願自今朝廷宜錄大體赦小過明詔天下備

論求治

舉八議之法嚴深刻之吏斷獄平允者則趨遷之苛刻聚斂者則罷黜之。兆民自安天變自消矣。昔者周自文武至於成康而後教化大行漢自高帝至於文景而後號稱富庶文王武王高帝之才非不能使教化行以致富庶也。蓋天下之治亂氣化之轉移人心之趨向皆非一朝一夕之故。臣謂天下趨於治也猶堅冰之將泮冰釋也。冰之堅非太陽一日之光能消之也。陽氣發生上脈微動然後能使之融釋。聖人之治天下亦猶是也。求治之道莫先於正風俗正風俗

明倫彙編
之○道○莫○先○於○使○守○令○知○所○務○使○守○令○知○所○務○莫○先○於○
使○風○憲○知○所○重○使○風○憲○知○所○重○莫○先○於○朝○廷○知○所○尚○
則○必○以○簿○書○期○會程限獄○訟○錢○穀○之○不○報○為○可○恕○而○
流○俗○失○世○敗○壞○為○不○可○不○問○而○後○正○風○俗○之○道○得○矣○
今○之○守○令○以○戶○口○錢○糧○簿○書○獄○訟○為○急○務○至○於○農○桑○
學○校○王○政○之○本○乃○視○為○虛○文○而○置○之○不○問○此○守○令○未○
知○所○務○之○失○也○風○憲○之○司○所○以○代○朝○廷○宣○導○風○化○條○
舉○綱○目○至○於○聽○訟○讞年上去入三獄○其○一○事○耳○今○專○
以○訟○獄○為○要○務○雖○有○忠○臣○孝○子○義○夫○節○婦○視○為○虛○文○

末○節○而○不○暇○舉○此○風○憲○未○知○所○重○之○失○也○守○令○親○民○
之○官○風○憲○親○臨○守○令○之○官○未○知○所○務○如○此○所○以○求○善○
治○而○卒○未○能○也○王○制凡記論○鄉○秀○士○升○於○司○徒○司○徒○
升○於○太○學○太○學○正○升○諸○司○馬○司○馬○辨○論○官○材○論○定○然○
後○官○之○任○官○然○後○爵○之○其○考○之○詳○如○此○今○使○天○下○郡○
縣○生○員○升○於○太○學○或○未○數○月○遽○選○入○官○者○閒○亦○有○之○
開○國○以○來○選○舉○秀○才○不○為○不○多○選○任○名○位○不○為○不○重○
自○今○數上之○賢○者○能○有○幾○人○乎○凡○此○皆○臣○所○謂○求○治○
太○速○之○過○也○日○者○君○之○象○也○月○者○臣○之○象○也○五○星○者○

論分封

鄉士庶人之象也。臣愚不知星術，姑以所聞於經傳。

并據前世已行之得失者論之。詩曰：彼月而食，則維

其常。詩小雅十月之交篇辭今日刑於月，猶之可也。而日月相

刑，則月敢抗於日者，臣敢抗於君矣。傳曰：都城過百

雉，國之害也。語在左傳隱公元年，城方丈曰堵，三堵

三百丈也。國家懲宋元孤立，宗室不競之弊，秦晉燕齊梁

楚吳閩諸國，各盡其地而封之，都城宮室之制，廣狹

大小，亞於天子之都，賜之以甲兵衛士之盛，臣恐數

世之後，尾大不掉。迨去聲。掉，搖動也。左傳昭公十一年，未大必折，尾大不掉。然

後削之地而奪之權，則起其怨。如漢之七國，晉之諸

王，否則恃險爭衡，否則擁衆入朝，甚則緣隙而起，防

之無及也。昔賈誼勸漢文帝早分諸國之地，空之以

待諸王子孫，謂力少則易使，以義國小則無邪心，願

及諸王未國之先，節其都邑之制，減其衛兵，限其疆

里，亦以待封諸王之子孫。此制一定，然後諸王有聖

賢之德行者，入為輔相，其餘世為藩輔，可以與國同

休，世世無窮矣。書奏，帝怒，逮見上問繫死獄中，後無

敢言者。編詔改中書行省為承宣布政使司。

承宣布政使司

編丁巳十年春二月學士承旨宋濂致仕歸**編**夏五

月命韓國公李善長曹國公李文忠總中書省都督

府御史臺同議軍國重事詔監察御史巡按州縣

內侍不許讀書識字

編制內侍不許讀書識字**紀**有內侍以久侍內庭從

容言及政事上即日遣還鄉命終身不齒齒猶錄也禮王制屏

之遠方終諭羣臣曰閣侍之人朝夕左右其小忠小

信足以固結君心及其久也假威竊權勢遂至於不

可抑朕立法侍人不得預政事今決去之所以懲將

置通政使司

來也因敕內侍不許讀書識字**編**秋九月置通政使

僕真抽刀剖心

司**紀**掌出納諸司文書敷奏封駁之事以曾秉正為

之**編**冬都督僉事濮真征高麗被執不屈死之**紀**真

被執高麗王愛其驍勇欲降之不從王怒欲殺之真

曰大丈夫有赤心肯汝屈邪即抽刀剖心示之而死

王大懼遣使入朝謝罪上嘉真忠節追封樂浪公諡

忠襄其子瑜尚在樞樞即封為西梁侯**編**十一月皇

建文帝

孫允炆文生

編戊午十一年春三月禁奏事關白中書省**編**以李

文煥費震並為戶部侍郎**紀**上諭吏部曰朝廷懸爵

傳藻上奏
秋本末

祿以待士。資格者為常流。設非為賢才。設今後庶官之有才能而居下位者。當不次用之。於是以前安府陝西知府李文煥、寶鈔提舉費震俱為戶部侍郎。

編 已未十二年春三月。東宮文學傅藻等編春秋本末。成上之。編冬十二月。貶右丞相汪廣洋於海南道。

卒。紀御史中丞涂徒節言劉基為胡惟庸毒死。廣洋

宜知狀。上問廣洋。廣洋對無是事。上頗聞其實。因責

廣洋欺紿。臺上謫居海南。行次太平。上復遣使責之。

廣洋自經死。

胡惟庸謀逆

編 庚申十三年春正月。丞相胡惟庸謀逆。伏誅。編惟

庸等謀逆。誑言所居第井中湧醴泉。邀上往觀。駕出

西華門。內使雲奇知其謀。走衝蹕。必。顏師古曰。天

肅也。入則言蹕。止行人也。司馬貞曰。言出入者。互文耳。道勒馬言狀。氣方勃。舌

駛不能達意。上怒其不敬。左右搥職瓜。搥亂下。奇右

臂幾折。尚指惟庸第。弗為去痛縮。上悟。登城眺察。見

惟庸第內。兵甲伏屏帷間。即發兵掩捕。拷掠具伏。磔

尸也。裂惟庸於市。御史大夫陳寧、都督李玉等皆伏

誅。上名雲奇死矣。深悼之。追封右少監。賜葬鍾山。惟

庸辭連李善長羣臣請罪之上曰此吾初起時股肱
心腹吾不忍罪之其勿問宋濂孫慎坐黨逆被刑籍
其家。械濂至京。上欲并誅之。皇后諫曰。民間請一先
生。尚有始終不忘待師之禮。宋濂親教太子諸王。豈
宜若是。愬。況濂致仕在家。當不知情。上意解。濂得發
茂州。屬四川成都府安置。行至夔州。見上以疾卒。編詔罷中
書省。紀罷丞相。等官。陞六部官秩如古六卿之制。
夏五月。詔免天下今年田租。編燕王之國北平。今直
隸順天府。以葛誠為燕府長史。

罷中書省

成祖之國

編賦役書

征雲南

辛酉十四年春三月。編賦役黃冊。以一百一十戶
者十人為里。長餘百戶分隸十甲。歲役里長一人。管
攝一里之事。城中曰坊。長近城曰廂。長鄉都曰里。長
十年一。周每里編為一冊。冊首總為一圖。鄉里孤獨
不應役者。則帶管於一冊。冊首總為一圖。鄉里孤獨
名曰畸零冊。成一冊。進戶部。其布政司。註音
及府州縣各存一本。十年攢造一次。編秋
七月。舉孝弟力田賢良方正文學之士。以何德忠金
政參議。編九月。命穎川侯傅友德為征南將軍。永昌
諸官。侯藍玉。西平侯沐英為副將軍。帥師征雲南。紀友德
等帥師征雲南。上諭之曰。雲南自昔為西南夷。至漢
置吏。臣屬中國。今元之遺孽把匝剌瓦爾密。元梁
等

明監易印集

卷之二 明太祖

十六

平曲靖

自恃險遠，輒害使臣。在所必討。爾等行師之際，當知其山川形勢，以規進取。師行，上餞於龍江，旌旗蔽江而上。友德師至湖廣，分遣都督郭英、胡海洋、陳桓等帥兵五萬，由四川永寧趨烏撒。今四川烏撒軍民府友德等率大兵由辰。今湖廣沅州府沅州趨貴州。編冬十二月，傅友德等師至普安。今四川保寧府劍州攻下之。遂進平曲靖。

紀元梁王把匝刺瓦爾密遣司徒平章達里麻將精兵十餘萬屯曲靖。今雲南曲靖軍民府以拒明師。沐英謂友德曰：彼謂我師疲於深入，未有虞心。若倍道疾趨，出其

沐英白石江之捷

不意破之必矣。友德是之，遂進師。未至曲靖數里，忽大霧四塞，衝霧而行。阻水則已臨白石江。在曲靖城北頃之霧霽，祭達里麻望見大驚，倉皇失措。友德即欲濟師。英曰：我軍遠來，形勢既露，固利速戰。然亟濟恐為所扼。乃整師臨流，勢若欲渡。達里麻悉精銳扼水。英別遣數十人從下流潛渡，出其後，鳴金鼓，樹旗幟。達里麻急撤衆禦之。陣動，英乃拔劍督師。濟江以猛而善泅。因浮行也者先之，長刀蒙盾。閩上声。盾，干也。所以蔽身扞破其前軍，敵氣索退數里而陣。明師畢濟，友德麾

兵進薄博也之。英縱鐵騎擣其中堅。敵遂大敗。生擒達里麻。橫屍十餘里。軍聲大振。遂平曲靖。友德分遣藍玉、沐英帥師趨雲南。而自以眾數萬向烏撒為郭。英等聲援把匝刺兀爾密聞。達里麻敗棄城走。挈妻子入晉寧州。屬雲南府忽納砦。驅妻子俱赴滇池。在雲南府城死。編藍玉、沐英等師至雲南。元右丞觀音保出降。雲南遂平。紀玉等師至雲南之板橋。在雲南府觀音保出降。諸父老焚香出迎。玉等整眾入城。秋毫無犯。收梁王金印。并宮府符信圖籍。撫定其民。自九月朔

雲南平

出師。迄下雲南。僅百餘日。後雲南悉平。藍玉傳
編壬戌十五年春正月。命天下朝覲官各舉所知一人。編三月。置錦衣衛。及鎮撫司。所隸有大漢將軍力
編夏四月。黜廉州府巡檢王德亨。流廣平府。吏王允道於海外。紀德亨上言取西戎水銀。阮鏗黜之。允道言磁慈州。屬河南臨水鎮地產
編五月。遣使求經明行脩之士。以秀才曾泰為戶部尚書。紀廣東儒士上治平策

置錦衣衛

數千言。上以其不及用賢責之。泰江夏今湖廣武昌府江夏縣

人有學行。故不次擢用。編帝詣國子學。行釋菜禮。紀

國學成。上將釋菜。令諸儒議禮。議者曰。孔子雖

聖人。臣也。禮宜一奠再拜。上曰。聖如孔子。豈可以職

位論哉。昔周太祖如孔子廟。將拜。左右曰。陪臣不宜

拜。周太祖曰。百世帝王之師。敢不拜乎。遂再拜。朕深

嘉其不惑於左右之言。今朕敬禮先師之禮。宜特加

尊崇。儒臣乃定其儀。從之。編帝親錄繫囚。紀上錄囚

畢。命御史袁凱送東宮覆審。遞減之。凱還復命。上問

孔子豈可以職位論

馬后賢德

朕與東宮孰是。凱頓首曰。陛下法之正。東宮心之慈。

上大喜。悉從之。編秋八月。皇后馬氏崩。紀后性恭儉。

服澣緩濯之衣。每誡諸王妃公主曰。爾等生長富貴。

當為天地惜物。接妃嬪有恩。被寵生子者。待之加厚。

太子諸王。雖愛之甚篤。勉令務學。有以器皿衣服相

尚者。必切責之。上常前殿決事。或震怒。還宮必問。今

日處何事。怒何人。因言陛下有衆子。正好積德。不可

縱怒殺人。致死者冤枉。活人性命。乃子孫之福。國祚

亦長久。上每從之。至是病不肯服藥。上強之。終不肯

終身不復
立后
遺僧分侍
諸王

奉白帽子
與大王戴

曰死生有命。雖扁鵲春秋時良醫也。姓秦。名越。人。與黃帝時扁鵲相類。故仍號

國。因名。盧醫。何益。使服藥而不瘳。陛下寧不以妾

故而殺此諸醫乎。遂崩。年五十一。上痛悼。終身不復

立后。編九月。詔選高僧分侍諸王。紀有僧道衍者。姓

姚。名廣孝。蘇州人。幼出家。改名道衍。字斯道。好讀書。

工詩文。遇異人道士席應真傳術。能預知人休咎及善術

數之學。文皇在燕邸底。此舍也。凡邸。朝宿。之舍。在京師者。率名邸。廣孝

自請於燕王曰。殿下若能用臣。臣當奉白帽子與大

王戴。白字加於王字。上蓋謂皇字也。至是燕王自求廣孝於上。許之。

編徵者。儒鮑恂等至。並命為學士。固辭。尋放還。紀徵

崇德今浙江嘉興府石門縣鮑恂。上海今江南松江府上海縣全思誠。吉

安今江西吉安府余銓。高郵見上卷七張長年。既至。入見。年皆七

十餘。賜坐。顧問者久之。並命為文華殿大學士。恂等

固辭。上曰。免卿早朝。日晏而入。恂等復以老疾辭。乃

放還。編置殿閣學士。以禮部尚書劉仲質為華蓋殿

大學士。翰林學士宋訥為文淵閣大學士。檢討吳伯

宗為武英殿大學士。典籍吳沉為東閣大學士。編名

方孝孺入見。復遣還。紀吳沉薦孝孺學行。名入見。上

置殿閣學士

吳沉薦方孝孺

此莊士

喜其舉動端雅。曰：此莊士當老其才用之。遣還鄉。編設都察院，以詹徽林駟為監察御史。

精誠錄

編癸亥十六年春正月，吳沉承制編敬天忠君孝親三事為書上之，賜名精誠錄。編秋七月，遣御史錄囚於諸省。編冬十月，刑部尚書開濟以罪誅。紀先是濟議法巧密，上曰：竭澤而漁，害及鯤。昆鯨而田禍及麋。麋子，鷩寇。鷩巧密之法，百姓何堪？非朕所望也。濟強敏綜核，善深文，莫能自脫。嘗鬻獄，借死囚脫代獄吏發之，捶獄吏死。至是下濟獄而死。編十二

月初令儒學歲貢生員。

頒行科舉成式

編甲子十七年春正月，以孔訥襲封衍聖公。孔子五代

也。孫編三月，頒行科舉成式。紀凡三年大比鄉試，試三

場。八月初九日，試四書義三、經義四、四書義。主朱子

集註、經義詩主朱子集傳、易主程朱傳義。程傳朱書

主蔡氏。沉蔡傳及古註疏。春秋主左氏。公羊穀梁胡氏

張洽傳。禮記主古註疏。十二日，試論一、判語五、詔誥

章表內科一。十五日，試經史策五。禮部會試。以二月

與鄉試同。其舉人則國子學生、府州縣學生暨儒士

初昏五星
並見

未仕官之未入流者應之其學校訓導專主生徒罷
 閑官吏倡優之家與居父母喪者俱不許入試編冬
 十月以秀才宋矩等十七人為監察御史編十一月
 以孔希文為曲阜世職知縣孔子五十
六代孫也
編乙丑十八年春二月初昏五星並見編太傅魏國
 公徐達卒紀達自北征還即上將印自去冬疾作至
 是卒年五十四上痛悼不已親為文祭之追封中山
 王諡武寧賜葬鍾山子四長輝祖襲封魏國公次添
 福勳衛次增壽左都督次膺緒都督僉事女四長文

皇后次安王妃次代王妃編會試天下貢士紀取黃
 子澄第一練子寧次之殿試丁顯第一子寧次之子
 澄又次之

置行人司

編丙寅十九年春二月置行人司編秋七月詔舉經
 明行脩練達時務之士年七十以上者送京師

交綿衣衛
刑具

編丁卯二十年春正月詔脩闕里孔子廟編二月帝
 耕藉田見上卷編詔焚錦衣衛刑具紀上聞錦衣衛
 多以非法訊鞫菊罪囚命取其刑具悉焚之所繫囚
 仍送刑部審理○有軍人犯罪當杖其人嘗兩得罪

月監事

明太祖

文武非二

有免有司請并論前罪誅之上曰前罪既宥今復論之則不信矣使人何所措手足乎編秋七月有司請立武學祀太公不許紀有司請立武學祀太公上曰文武非二塗也太公從祀帝王廟罷其舊祀編戊辰二十一年春正月以御史凌漢為右都御史紀漢鞫獄平恕人有德漢者遇諸途厚遺以金漢曰子非常爾律有定法非我私子何以金為上廉也察得其事故有是擢編三月廷試進士紀賜任亨泰等進士及第出身有差亨泰襄陽今湖廣襄陽府人命有司建狀

解縉上封事萬餘言

元坊以旌之奉旨建坊自此始編冬十月以庶吉士解縉為監察御史尋遣歸紀縉吉水今江西吉安府吉水縣人七歲能詩文十八舉於鄉連登進士上親選為庶吉士特被寵眷因上封事密奏凡萬餘言其略曰陛下進入不擇賢否授職不量輕重誠信有閒用刑太繁每多自悔之時輒有無及之歎律以人倫為重乃有給配夫婦之條恐傷節義之禮太常非俗樂可肆官妓非人道所為可以禁絕釋老之壯者宜出之使復人倫經呪之妄者悉火之以杜俗惑陛下天資清

高而學問不充。善端閒發。而心學無素。上嘉其識。擢為監察御史。時都御史袁泰恣橫。無敢言之者。縉歷詆其奸狀。上慮縉少涵養。將為眾所傾。召其父諭之曰。才之生甚難。而大器者晚成。其以爾子歸。益進其學。又諭縉曰。後十年來朝。大用爾。未晚也。縉以卓敬為給事中。紀時諸王服飾有擬太子者。敬乘閒乘空。間言於上曰。陛下於諸王。不早辨等威。而使服飾與太子埒等也。尊卑無序。何以令天下。上曰。卿言是也。縉已巳二十二年春正月。改大宗正院為宗人府。以

宗人府

保天下如御車

秦王為宗人令。縉二月。詔公侯各還其鄉。賜賚有差。紀上以天下無事。憫諸將老。欲保之。故有是命。○上論守成之道曰。人常慮危。乃不蹈危。車行於峻阪。而代於平地者。慎於難。而忽於易也。保天下亦如御車。雖治平。向可不慎。

殺李善長

縉庚午二十三年夏四月。除百官期年奔喪之制。舊制。遇祖父母伯叔兄弟沒。皆得奔喪。至是止。許遣人致祭。縉殺韓國公李善長。紀先是善長坐他累削祿。既又有以胡惟庸黨言者。上亦未之究也。至是會有星變。其占為大臣當災。時帝

求仙人張三丰

劉庶幾封誠意伯

大殺京民之怨逆者。善長請免其親戚數人。上大怒。遂賜死。**編**詔求仙人張三丰不得。名其徒丘玄清。拜太常卿。**紀**三丰不知何處人。洪武初。入武當山。在湖廣襄陽府均州。一脩煉寒暑一衲。衲衣也。稱爲張邈。有問之者。終日不答一語。或與論經書。則津津不絕口。一啖淡數斗。輒盡。辟除也穀數月亦自若。隆冬。斝斝。臥也。息也。臥雪中。道士丘玄清遇之。遂爲弟子。至是。上遣使求三丰。不得。乃召丘玄清至。與語。大悅。拜太常卿。**編**命劉基孫廌襲封誠意伯。**紀**初。基爵止

其身不世襲。既而忤胡惟庸爲所害。基子璉爲江西參政。又爲惟庸黨。沈立本所勝。卒於官。及惟庸敗。上憫思之。故有是命。

定生員巾服之制

事 馮堅言九

編辛未。二十四年春。二月。改封豫王桂爲代王。漢王棖爲肅王。衛王植爲遼王。**編**冬。十月。定生員巾服之制。**紀**上親視必求典雅。凡三易其制。始定襴衫。**編**擢馮堅爲僉都御史。**紀**南豐今江西建昌府南豐縣典史馮堅上言九事。上奇之。超擢爲都察院右僉都御史。**編**壬申。二十五年夏。四月。皇太子薨。諡曰懿文。**編**秋。

七月。竄吳從權張恆于極邊。紀可嵐。州嶺山西

學正吳從權山陰。今山西大同教諭張恆給由至京

師上問民閒疾苦皆對曰非職事不知也。上曰宋儒

胡瑗。仁宗朝為湖州府教授訓人有法科條繼

事齋以敦實學及興太學詔為蘇湖教授其教諸生

皆兼時務聖賢之道所以濟世也。民情不知則所教

何事其竄之極邊命刑部榜諭天下學校。編九月

嫡長孫允文為皇太孫。紀太孫生而額顙稍偏性聰

穎善讀書然仁柔少斷帝每命賦詩多不喜一日命

民情不知所教何事

方正學

藍玉謀逆

之屬。和對大不稱旨。復以命燕王語乃佳。帝常有意

易儲。余。儲。副也。太子翰林學士劉三吾曰若然置

秦晉二王何地。帝乃止。編以脩撰黃子澄兼少詹事

侍東宮講讀。編以方孝孺為漢中府。屬陝教授。紀蜀

獻王間孝孺賢命世子受學。名其讀書之廬曰正學。

編癸酉二十六年春正月涼國公藍玉謀逆伏誅。紀

初胡惟庸之叛有稱玉與其謀者。上以其功大。宥不

問。後諸老將多沒。乃擢為大將。總兵征伐甚稱上意。

然玉素不學。性復很愎。闕也。又恃功橫暴。有訐其陰

事者上詰乞責之。玉不為意。至是命為太傅。玉攘袂大言曰。我固不當為太師也。開奏事上不從。玉懼。退語去聲所親曰。上疑我矣。乃謀反。時鶴慶侯張翼。普定侯陳桓。景川侯曹震。舳艫侯朱壽。東莞官伯何榮。都督黃恪。吏部尚書詹徽。侍郎傅友文。及諸武臣。嘗為玉部將者。玉乃遣親信名之晨夜會私宅謀議。集士卒及諸家奴。伏甲將為變。約束已定。為錦衣衛指揮。蔣璫完所告。命羣臣訊狀。其實磔皮也。裂也。於市。夷三族。徹侯功臣文武大吏。以至偏裨皮也。副將也。將卒坐黨。

太白經天

頌大成樂

義門鄭氏

鄭氏馬

論死者可二萬人。蔓萬衍過於胡。惟庸編夏四月。太白經天。太白陰星。上公大將軍之象。出東當伏。東出西當伏。西過午為經天。謂書見午上為不臣也。兵起。編秋九月。頌大成樂器於天下。以祀孔子。命有也。式製。編詔褒浦江義門鄭氏。紀浦江見上鄭氏十世。不異。鬻長幼至千餘人。田賦各有所司。凡出納。雖絲毫咸有文可覆。無敢私。諸婦惟事女工。不與家政。子孫孝謹。執親喪。哀毀三年。不御酒肉。家畜兩馬。一出則一為去聲。不食。家以田多。擇為糧。長數朔以事入。觀上識至之後。被人妄訐。其家與權臣通財。時嚴通。

不聽婦人言

財黨與之誅。犯者不問實與不實必死。其宗長鄭濂與從弟湜殖。兩人爭先就吏。上憐之曰。我知鄭門無是也。人誣之耳。擢湜福建布政司參政。上問濂治家所以長久之道。對曰。守家法不聽婦人言而已。上深嘉之。至是尚書嚴震直述其家世孝友。以聞。遂下詔褒異之。

江伯兒愚孝

編甲戌二十七年秋九月。謫青州民江伯兒戍怒海南。**紀**青州日照見上。民江伯兒以母病。割脇肉食寺之。不愈。禱於岱岳東岳泰山祠。誓云。母病愈則殺子以祀。

寰宇通志成

既而母病愈。竟殺其三歲子。祭之。有司以聞。上怒曰。父子天倫至重。今賊殺其子。絕滅倫理。該捕治之。勿使傷壞。怪風化。遂逮見上。伯兒杖一百。謫戍海南。**編**寰宇通志成。**紀**方隅之目。有八。東距遼東都司。東北至三萬衛。西極四川松潘衛。西南距雲南金齒南踰廣東崖州。東南至福建漳州府。北暨太平大寧衛。西北至陝西甘肅。縱宗一萬九百里。橫一萬一千五百里。四裔異不與焉。

編乙亥二十八年夏六月。詔禁黥刺。咸。躄。廢。劓。異。閹。

皇明祖訓

割之刑黥刺而趾削。[編]秋七月信國公湯和卒。
 [紀]九月皇明祖訓成。[紀]上自為之序曰：朕觀自古國
 家建法立制，皆在始受命之君。蓋其創業之初，備嘗
 艱苦，閱人既多，歷事亦熟。比之生長深宮之主，未諳
 世故，及僻處山林之士，自矜己長者，甚相遠矣。朕與
 羣雄並驅，慮患防微，近二十載，乃能統一海宇。人之
 情偽，亦頗知之。故以所見所行，開導後人，著祖訓一
 篇，立為家法。首尾六年，凡七謄稿。至今方定，豈非難
 哉。蓋俗儒多是古非今，奸吏常舞文弄法。凡我子孫

欽承朕命，毋作聰明亂我已成之法。

[編]丙子二十九年春三月，詔文廟從祀，罷楊雄進董

仲舒。從行司副。[編]冬十月，晦，皇曾孫文奎生。[紀]太

孫允炆，長子也。上以十月數終，又生於晦日，命內外

勿賀。

覆閣下第

[編]丁丑三十年春三月，命儒臣覆閣會試。下第卷[紀]

初會試以翰林學士劉三吾、安府紀善白信蹈充考

試官。取宋琛丑森等五十二人。中原西北士子無與

名者。三月殿試，賜進士以閩縣屬福建陳郊安為第

一被黜者咸以不公為言。上大怒。命儒臣覆閱下第卷。或傳三吾與信踏至閱卷官所屬。祝以卷之最陋者進呈。上驗之。果為不堪文字。益怒。謂為胡藍。胡惟二黨。命刑部拷訊三吾。信踏贊善司憲三人為藍黨。侍讀張信。司直張諫。校書嚴叔載等皆為胡黨。惟侍讀戴彝不與焉。詔三吾謫戍邊。餘皆棄市。於是覆閱取六十一人。皆北人也。**編**夏五月。大明律誥成。**編**秋九月。詔天下每鄉里各置木鐸。紀上命戶部令天下人民每鄉里各置木鐸。選年老者每月六次持鐸

大明律誥
成
鄉里置木鐸

徇於道路。又令民每時置一鼓。凡遇農桑時。月晨起擊鼓。會田所怠惰者。里老督責之。里老不勸督者。罰。遇婚姻死喪吉凶等事。一里之內互相賙給。

編戊寅三十一年春三月。以齊泰為兵部尚書。**編**夏

五月上不豫。**編**閏月。帝崩。太孫允炆即位。**紀**帝崩。年

七十一。遺詔止諸王入臨。大聲也。會葬燕王。入將至

淮安。今江南淮安府。齊泰言於帝。令人齎敕使還國。燕王不

悅。**編**葬孝陵。**編**六月上。皇祖考大行皇帝。天子新崩。未有定諡。

故總其名曰大行皇帝。諡曰欽明啓運峻德成功統

齊黃首議
別奪諸藩

以方孝孺
為侍講

天大孝高皇帝廟號太祖尊母呂氏為皇太后編以
寒義為吏部右侍郎夏原吉為戶部右侍郎命兵
部尚書齊泰太常寺卿黃子澄與參國事編秋七月
以方孝孺為翰林院侍講直文淵閣以董倫為禮
部侍郎兼翰林院學士王仲為國子監博士編逮周
王橚至京廢為庶人紀戶部侍郎卓敬密奏裁抑宗
藩疏入不報於是燕周齊湘代岷諸王頗相煽動有
流言聞於朝帝患之謀諸齊泰泰與黃子澄首建削
奪議乃以事屬祝泰子澄泰謂子澄曰燕握重兵且

寧聲胖和
尚
劉秉忠之
流

素有大志當先削之子澄曰不然燕預備久卒難
圖宜先取周剪燕手足即燕可圖矣乃命曹國公李
景隆調兵卒至河南圍之執周王及其世子妃嬪送
京師削爵為庶人遷之雲南燕王見周王被執且齊
泰黃子澄用事遂簡壯士為護衛以句鉤逃軍為名
異人術士多就之初道衍嘗遊嵩山即中嶽在河南府登
封佛寺遇鄞銀○今浙江人袁珙拱珙相之曰寧寧
馨亭○猶地和尚乃爾邪目三角影飄白形如病虎
性必嗜殺他日劉秉忠之流也元初邢臺人劉秉忠
隱居武安山寺為僧

於天寧寺往來雲中值元世祖忽必烈遣人名僧海雲、海雲、遠來也。既入見，應對稱旨，秉忠於書，無所不讀，尤遠於易及邵氏經世書。至於天文地理律曆，三式六壬遁甲之屬，無不精通。論天下事如指諸掌。元世祖大愛之，道衍大笑。因此自負，至是薦珙相。凡征伐謀議皆與。道衍大笑。因此自負，至是薦珙相。術於燕王，王使召之。至，令使者與飲於酒肆。王服衛士服，偕衛士九人入肆。珙趨拜燕王前，曰：「殿下何自輕如此？燕王陽不省，曰：『吾輩皆護衛校士也。』珙不對，乃召入詳叩之。珙稽首曰：『殿下與日太平天子也。』燕王恐人疑，乃佯以罪遣之。既而密召入邸，世傳云：辨宰相於嵩山佛寺，識編冬十月癸感守心。真主於長安酒家，謂此也。

異日太平天子

程濟先見

火星出則有勃亂殘賊疾喪饑兵居其術。紀四川岳池教諭程濟通術數，上書言北方兵起，期在明年。朝議以濟妄言，召人將殺之。濟曰：「陛下幸囚臣，至期無兵殺臣未晚也。」乃囚濟於獄。編十一月，詔加魏國公徐輝祖太子太傅，與李景隆同掌六軍，以圖燕。紀燕齊有告變者，帝問黃子澄曰：「孰當先？」子澄曰：「燕王久稱病，日事練兵，且多置異人術士左右，此其機事已露，不可不急圖之。」復召齊泰問曰：「今欲圖燕，燕王素善用兵，北卒又勁，奈何？」泰對曰：「今北邊有寇警，以防

邊為名遣將戍

怒

開平

見上卷

四

悉調燕藩護衛兵出

塞去其羽翼乃可圖也從之乃以工部侍郎張昇為

北平見上左布政使謝貴為都指揮使俾察燕王動

靜徐輝祖燕王妃同產兒也時以燕事密告之帝大

見信用詔加太子太傅與李景隆同掌六軍協謀圖


燕

0802
265

1721



尺木堂明鑑易知錄卷之二



特 31

742